

丁巳孟夏印

非賣品

古梅書屋遺稿

綺城李益昌題

刊行緣起

府君以前清己丑孝廉戊戌大挑二等授教職會政變不之任卽於辛亥應徐匯公學之聘擔任修院及公學教習之職課餘之暇耽於吟咏喜怒哀樂一寄於詩顧多散佚不自收拾檢諸篋中僅得二百數十首不孝等於府君生時未能榮養歿後又無以顯親揚名深滋慚悚爰蒐集其遺稿付諸剞劂以昭示後世焉

子
楊我

潤鏞

謹啓

傳

先生諱振錄字偉才一字味吟江蘇上海人也祖秋巖仁厚敏達精篆刻尤工繪事父聿修歆歆行善有聞於時生五子先生其冢嗣也早失恃祖妣王太夫人特鍾愛之幼卽岐嶷廣穎豐下穎悟異常兒八歲解聲病讀唐人詩琅琅上口十歲始學爲詩逾年師出聯語令對曰簾深上燈早卽應聲曰風定落花遲師激賞之又曰深樹雲來鳥不知對曰空園露滴蟬先覺師擊節不已由是深器之以爲苟日進不懈取青紫如拾芥耳上海爲人文薈萃之區俊彥如林濟濟霞蔚切劘攻錯麗澤攸資是時勝流如童心田汪吟如趙鏡芙楊東山諸先生皆少年髦士志氣如雲與先生結社聯吟極友朋倡醕之樂而先生之季父愛棠先生與耀珊先生復親督課綦嚴於是先生之學業大進其於有司之尺度固已徹於心而調於手矣年十九庚辰入邑庠己丑恩科登鄉薦時年二十有八也明年庚寅應禮部試不售戊戌再上春官又不第闈後大挑二等授教職未及銓選而政局變先生遂頊頊然無意進取家居教授者十有二年辛亥以金文宇先生介紹就館於徐匯公學初任大修院教習繼兼公學中學教習主賓融洽能勤

其職學者稱良師焉先生天性醇粹喜怒不形與人言暖曖姝姝若恐傷之而尙論古今大義所在絲毫不容假借好吟咏終日不出戶庭布袍方巾蟄處一室當其冥思孤往有感於懷則發篋出唐賢詩高誦之興酣氣盛聲震戶牖時或蕭然有會縱筆疾書宮商既諧躊躇滿志大罔密點憫然自謂不減古人以故所居之室環堵皆零箋斷簡塗附幾遍風至浙浙有聲厮養或嘲之曰是徒疥癩亦安足貴則笑而答曰吾以自娛也其風趣如此顧先生少席豐厚晚年則際遇甚窘壬子有黃門之悼丙辰四五兩公子又相繼早世人徒見先生夷猶灑脫而不知其重有憂也遂於閏二月初四日嬰疾延至三月十二日卒於家年五十有六祖妣王太夫人清陝西布政使王承基胞妹妣解氏娶王氏祖妣王太夫人胞姪孫女先六年歿生六子曰我潤業儒娶張氏曰我煥邑庠生娶王氏曰我鑫曰我鏘均未娶曰我奎曰我相皆已故孫男四人孫女五人所著有古梅書屋遺稿行世初先生於天主教理心甚欽佩志切皈依同事蔡蔚塘宋棟臣兩先生乘機勸導之迺於病中受聖洗禮此可見先生信道之篤而見義勇爲矣余忝爲先生弟子我煥以先生行狀來屬爲傳余自愧不文安足以傳先生既不獲辭爰

將其生平制行待人之事拉雜書之俾世立言之君子有所采擇云爾
中華民國六年仲夏受業金鯉書賜伯謹誌

序

文人多厄自古已然豈造物忌才而故困斯人哉蓋所以玉成其道德之功也海上楊味吟先生能文章而蓄道德者也前清光緒己丑舉於鄉予嘗讀其中作才氣橫溢思想奇特不落尋常數墨家言不禁爲之心折曰此棘闈鑒戰中獨樹一幟者宜其捷也乃忽忽於今二十有八年而先生卒未以文章顯方歎世無伯樂驥不免有伏櫪之悲也前四載應徐雁公學聘來授中四班牙與同事始識先生吐屬蘊藉意氣和平望而知爲道德中人相見恨晚觀其所改課本折矩周規一遵理法與當日之闡文絕不相類殆以課徒之不同應舉歟抑以磨鍊而歸於純粹歟更於沈君公布案頭獲讀詩稿強半悼亡之作琢句工整無半騷氣其胸襟曠達不同流俗有如此方謂老成在望常爲後學典型不圖於夏時上巳後九日遽歸道山惜哉今哲嗣文青睞懷手澤將所遺詩稿付梓以廣流傳問序於予予不文又不善詩黑能道先生之萬一惟以先生之有道德而不徒以詩文見也述其厓略如左是爲序

中華民國六年仲夏杭縣鑒林王棟謹序

序

士生於世懷抱瑰異不獲以事業勲名表襮天下惟恐沒世一無所稱至欲區區思盡力於文字窮矣顧失於彼而償於此猶可以自慰乃又困阨窮蹙終不得遂其志卒也沒世而後寂寂無聞與草木同腐焉嗚呼予是以歎古之魁儒碩彥往往湮沒而不彰者何可勝道其文辭所由不少概見歟卽其偶有寄托之作咏吟之篇幸而得之困阨窮蹙之中然其磅礴鬱積之氣蘊於中而未發者尙數十百於此焉此尤可悲者也海上楊味吟先生工文章耽吟咏以才氣自負早歲登鄉薦躋於禮闈再戰不勝少席豐厚自家中落後死喪憂患相偪而來益鬱鬱不自聊迨應匯學之聘任教授課務煩劇而以詩文來請業者復趾錯於戶口講筆削昕夕無暇晷余忝與先生共事嘗訪其所居之室則見屋壁戶牖題詩皆滿竊怪先生於艱難辛苦之中有此餘興自嘆以爲不及今年春先生歸道山後哲嗣文青哀集其所爲詩僅得若干首彙爲一編泫然謂余曰先人手澤祇此而已余受而讀之益爲先生悲也夫以先生之才之學奮翮雲路翔步天衢拖青紫登廟堂直意中事耳而天竟阨之又使假以清閒之歲月俾無人事之

牽率得專其力於著述鴻篇鉅製蔚爲偉觀亦盛事也而天又阨之遂使先生之才之學他無所見而僅見於是編夫先生之才之學豈以是編限哉然卒限於是乃歎天之所以阨先生者至酷又以知後之讀先生詩者未嘗不悲其遇不獨余一人而已也先生已矣不才如余兩鬢飄蕭自傷老大生平事業百無一成徒以憂患餘生爲人作嫁顧影汲汲墨黯管枯正恐百年而後欲求如先生之殘編斷稿流落人間者殆不可得然則余自悲之不暇而又何暇爲先生悲哉先生有知以余言爲然乎否也

中華民國六年夏時四月中浣苒城鏡如蔣誠禮謹序

題詞

吳興沈慶瑤

超超元箸韻偏長佳句何曾遜晚唐
馬帳風高扶大雅龍門望重懸斜陽
雁濱桃李都沾澤海上文星忽掩光
今日九原可無恨連翩雛鳳繼芸香

崇明蔡蔚塘

殘墨依然留四壁高人已向白雲翔
嵇康別後琴無韻董子來時座有香
自幸三生親杖履那堪一世等滄桑
若教重過日暉路滿目松楸更可傷

受業施步階

嘔完長吉好心肝留作人間拱壁看
南國句曾傳沅芷東山操憶賦猗蘭
總因涉世途多仄愈覺傷懷淚不乾
展誦遺編增悵觸斜陽猶戀舊闌干

受業沈開誠

春風無賴落花天況值黃楊厄閏年

先生病於閏二月

鶴醒十洲瑤島夢聲淒五夜壁琴絃招魂

難返紅塵外問字還疑絳帳前一曲猗蘭成絕調幾回噴罷淚潸然

受業沈欽造

不羨功名不羨仙，苦吟終日聳詩肩。七年得侍春風座，四壁還黏蜀錦箋。燈下論文飛玉屑，酒邊覓句似雷顛。那堪撰杖成陳跡，回首前塵一泫然。

病入膏肓早自知，無端感慨鬢毛衰。春蘭人去香銷歇，夏屋詩成讖信疑。

先生病中作有熱血於中少維

摩與欲闌底寒與夏屋伴病有春蘭之句

大化漫嗟羊熟腴，遺編空學豹留皮。從今應召修文去，無復風和絳帳

時

受業沈光造

（滿江紅）往事思量曾忝奉，關西講席兩世追陪。情契洽，心盟金石，驀地風波來不測。一霎間，山頽木折，聽到凶消息，斷迴腸，淚盈臆。織錦霞易消歇，金鏡月易殘缺。祇文墨留存，千秋不滅，遺稿刊行垂紀念。編詩史，哀然成帙，莫輕看，斷簡與殘篇，都心血。

古梅書屋遺稿

上海味吟氏楊振錄著

鹽城印鸞章韻雪校刊

己酉年

弔劉碧環

或作碧霞乾隆時蘇撫某之筵室以才貌獲寵遇讒枉死卽慘署中來鶴樓牆下後數十年於來鶴樓降乩與諸名士唱和乃得還其遺骸葬於虎邱真娘墓左近

幽豔才華本是仙玉環羽化幾何年牆陰一角花魂靜樓上三更月魄圓洛浦鴻驚親訴苦蓬萊鶴返獨逢緣虎邱山下真娘墓旁泐貞珉尙宛然

前詩作於清明黃昏微雨時至夏五又於無意中得其畫象真真欲喚楚楚堪憐因有所感再題一絕

文字因緣非偶然才情慕重百年前關心一幅崔徽畫勝似丰神月夢傳

某名士既葬環乃得於夢中

一見顏色月下美人珊珊來近接詞既畢旋即謝去

暑夜乘涼

藤牀掩映粉垣東暑退重樓夜露濛
星日閃光千里電晶窗弄影一燈風
懷開隔院清談裏涼逗疏闌亞字中
駕侶於今居樂地莫教河鼓怨牆紅

庚戌年

過外舅故館 作於古硯齋

華屋依然在機雲，去年晶窗明落日塵架理殘編。

隨園詩話有賀新婚詩而限階乖骸埋四字爲韻者試戲和之作於杜堂東

十五王昌嫁盈盈，上玉階笙簫音並奏琴瑟性無乖。
吉兆蘭徵夢新妝粉作骸，巫山峯十二雲影可相埋。

辛亥年

擬杜工部月夜憶鄜州五律三首

鄜州今夜月照見素娥心，兒女燈前話關河夢裏深。
清霜雲鬢上白露襪羅侵，雙照知何夕瑤琴佇好音。

今夜都門月鄜州一樣看，閨情和夢遠人影倚闌寒。
玉露爭蟾皎銀河駕鵲難幾時，雙照夕兒女慶團圓。

我憶鄜州夜鄜州，憶我時舉頭同見月對鏡數歸期。
銀漢紅牆隔羅襟，白露滋劇憐兒。

女小不敢說相思

三月上巳後九日散步於堂後園林口占七律

一卷香山集罷翻斜陽影裏步林園
蕭疏竹葉青條細穠艷荊花紫蕊繁
晴宇半冥蟾漸朗風枝同宿鳥猶喧
小桃側立斜柯蠹焚素橫釵夕不言

是夕又占七絕二首

夜色半園輝皓月春樓一角點疎星
高枝宿鳥無聲息草木清華花露零
翡翠天高懸玉鏡琉璃窗遠見紅燈
園林似水花如錦秉燭宵遊得未曾

送春詩

幸得辛年是閏年一星期緩送春天

是年因夏六月有閏上半年節氣較晚故四月初八日立夏

依然戀戀花辭樹那更

萋萋草滿阡別緒深逾桃岸水新陰
潤透綺琴絃曉鐘未動休推酒風送
驪歌最可憐

北樓晨起卽景

朝陽在高樹樓臺開畫圖鐘聲清不極
雲影淡將無久雨晴逾喜涼秋興未孤
晨興啓

窗牖林露溼糝糊

園丁贈菊

煙簑兩笠老園丁送我幽香菊一瓶爲道先生多冷豔北樓靜對兩忘形

感懷

卅載青衫落拓中春明兩度走東風退之憔悴書空上阮籍清狂路易窮此日雙棲飄
鶴髮當年一夢冷蟾宮渡頭苜蓿秋來盡落日孤城戰火紅

時漢口南北交兵未已故云

壬子年

春初卽景

晴日晶窗暖春風絳帳和雲閒人意懶林密鳥聲多生氣噓枯柳光陰擲疾梭元宵兼
上巳那得不顏酡

陽歷上巳適逢陰歷之元宵亦民國建元佳話也

上巳日散步園林口占七律

生香不斷四時花三月韶光分外賒到眼日華迷五色得天文字燦千葩園林處處啼
春鳥亭榭年年映曉霞去歲小桃今豔甚阿蠻舞罷漾裙紗

感懷 作於古硯齋

萬古興亡事從頭說倍長乾坤同一夢戰伐笑千場朝代猶如此身家更自傷孟梁相對處白髮兩成霜

弔龔芝麓尙書

千古興亡事可悲元明過去又清時玄黃罷戰生降日粉黛從軍惜別詩

公雖降清而心復明之志橫波

尤尚俠義當鄭成功兵入長江時夫人以私財助軍欲合舟山阮進以應之且身在軍中公於其從軍作七律八首以送其別世上應無溝洫管閣東重聽履聲危

用元臣降明之危素典

絳雲樓角三層火恨不移燒北國師

初夏北樓卽景 仿韋蘇州體

柳外一聲雷涼夢騷人醒大雨西天傾狂風北閣冷向晚明霽色返照鐘樓影呼燈誦古詩月上青松頂

人靜吟哦罷捲幔晶窗下燈指土山彎月窺松樹罅雲霄夏屋蠹樓臺春星帶東園靄陰陰衆綠露如瀉睡起挑殘釵徘徊風景夜

漫興

薰風送暖入窗紗長晝鶯啼薄暮鴉紅雨無痕春久去綠陰如幄日初斜能爭大地風

雲緊鳳住名山歲月賒天上人間來往便電光奕奕駕飛車

送四川尹昌衡大都督出征西藏歌作於古硯齋中

穆如清風尹吉甫投袂奮興西破虜萬人一心鐵石堅岳軍節制何能挫天竺之北藏
衛連索倫勁旅征當年一朝清德衰何極番人競亂紛如煙桓桓都督今人傑伯言公
瑾差堪匹姜維深得羌人心諸葛全收衆謀力翩翩大纛出西征馬似游龍鎗似林萬
里行師過枕席千山扼要駐麾旌七禽七縱攻心策菩薩低眉迎漢節佇看西塞靖風
塵不用機關炮流血

悼從子聘婦徐女士翥雲

自繫朱絲十二年何如一見竟無緣璇閨書寄催鴻雁巫峽歸遲泣杜鵑楊柳曉風殘
月夢杏林春雨落花天小星一角銀河映莫再人間訪麗娟

代內悼妹裕功女士

自來彩鳳不知鷄矧在朱門閤闔家攘攘青蠅空有鬧瑩瑩白璧總無瑕清宵噩夢鶻
啼月落日閒階人殯花小阮未婚孤妹在斷魂何處返天涯

梅太君古稀上壽歌卽呈次公子問羹孝廉

再春先生吾父執一生精力瘁公益伉儷時聞敬姜敬總角知慕德曜德皇天眼明鍾毓奇三株玉樹臨風立牡丹開晚始稱王青梅成陰聯結實幼幼矧分仙掌甘枝枝濃培庚嶺澤一從先生去作古勞勞慈母心彌苦長君闊達未竟才次郎翔步蟾宮路季子才調亦不羣向平了願安儒素七十年來馳颺輪古稀矍鑠尤精神曰期曰頤固其所多福多壽非異人坐看庭木桐孫長那見霜華鬢角新北堂萱茂蔭常在含飴點首前筵陳彩衣幾隊堂階燦壽客上壽香盈盞天風激灑菊花盃盛似當年鹿鳴宴鯁生出門爲飢驅授粲適館匯水隅星期歸覩徵吟東悔未躬隨萊子庭前趨因君常奉慈顏笑令吾且妬且羨思哺烏政體雖改孝不改孝廉之孝君有吾獨無兩家世誼交深厚室入芝蘭飲醇酒析薪弗荷吾自醜貧無長物堪獻壽惟有三百燕詞上王母權作幾顆蟠桃大於斗

仲冬天氣嚴寒三兄送新裘至視之天青寧綢表也余以悼亡纔過一月不忍衣於外乃效詩人尙裘之法焉因賦七古一篇